



## **KOMUNIKADO PA PRENSA**

*Fecha*  
4 di yanüari 2015

*Kontakto*  
Kabinèt Minister VVRP

### **“BUREAU TELECOMMUNICATIE, POST & UTILITEITEN” (BTP&U) KU DIREKTOR NOBO: SR. FRANKLIN A. SLUIS A SALI E MIHÓ KANDIDATO**

**Willemstad** – Manera ya ta konosí, na yüli 2015, e Direktor anterior di “Bureau Telecommunicatie, Post & Utiliteiten” (BTP&U), sr. Joao de Canha a bai ku pènshun. Konforme artikulo 3, paragraf 3 di e dekreto di “Telecommunicatie en Post”, e Minister di Tráfiko, Transporte i Planifikashon Urbano (VVRP) ta nombra un Direktor nobo den akuerdo ku Konseho di Minister.

E proseso pa yega na un Direktor nobo a kuminsá for di 10 di febrüari di 2015. Riba inisiativa di e Minister ku tabata enkargá ku VVRP e momento ei, a hasi un petishon na tres (3) kompania, esta, Deloitte Dutch Caribbean, KPMG Advisory Services i PricewaterhouseCoopers Curaçao, pa entregá un oferta pa reklutá i selektá un Direktor nobo pa BTP&U. Seguidamente, e Minister a pidi e kompania Noble Salomon B.V. pa evaluá e ofertanan ku e 3 kompanianan a entregá riba kontenido, eksperensha, konosementu i preis.

Riba 6 di mart 2015, e Minister interino enkargá ku VVRP seguidamente a risibí e resultado di e evaluashon ku a informá ku e kompania di Deloitte Dutch Caribbean a sali ku e mihó resultado. Na momento ku Minister Camelia-Römer a sinta na 29 di aprel 2015, a bolbe laga analisá e ofertanan ku a yega na e mesun resultado di evaluashon ku Noble Salomon B.V. Na e momento ei a duna e kompania Deloitte Dutch Caribbean e tarea pa reklutá i selektá un Direktor nobo pa BTP&U i e trayekto aki a kuminsá 25 di yüni 2015.

Pa e proseso di reklutá, Minister Camelia-Römer a instalá un komishon di selekshon ku ta konsistí di tres (3) persona ku konosementu amplio riba tereno hurídiko, konosementu di e prosesonan Gubernamental i konosementu di Rekurso Humano. Riba 22 di sèptèmber 2015 e konseho pa ku kandidatonan a yega serka Minister Camelia-Römer.

Segun e rapòrt, trint'i nuebe (39) persona a solisitá pa por bira Direktor di BTP&U, di kual a invitá seis (6) a base di un análisis di nan kalifikashonnan pa un entrevista. Kuater (4) di nan a hasi un evaluashon (‘assessment’) mas ekstenso. E konseho final di e komishon di selekshon ta mensioná tres (3) nòmber di kual dos (2) ta kalifiká i kumplí ku tur e rekesitonan. Di e 2 kandidatonan aki, e komishon di selekshon a haña e kandidato sr. Franklin A. Sluis e kandidato mas fuerte.



## **KOMUNIKADO PA PRENSA**

*Fecha*  
4 di yanüari 2015

*Kontakto*  
Kabinèt Minister VVRP

E Minister ku tabata enkargá ku VVRP na febrüari 2015 a stipulá ku un investigashon di seguridat i integridat tambe tin di forma parti di e prosedura di reklutá i selektá. Den e kaso aki e kompania Forensic Services Caribbean a hasi e investigashonnan i ehersé un “pre-employment screening” i na desèmber último e konsehonan riba sr. Sluis a dreña i ta establecé ku no tin ningun opheshon pa nombra sr. Sluis komo Direktor di BTP&U.

16 di desèmber último, Konseho di Minister a bai di akuerdo pa nombra sr. Franklin A. Sluis komo Direktor di BTP&U entrante 1 di febrüari 2016.

Minister Camelia-Römer a tuma nota di hopi spekulashon ku nòmber di hende den media, asta di hende ku no a solisitá of ku ta pretendé di a sali e mihó kandidato, siendo ku esaki no ta kuadra ku bèrdat. En bista ku’n prosedura di solisitut ta atendé ku hende i mester keda tratá ku e koutela nesessario, Minister a buska un forma pa por duna prueba di esei i for di 28 di desèmber último, Minister a manda e ‘file’ kompletu pa Kontroleria General di Kòrsou (Algemene Rekenkamer Curaçao) por evaluá e nòmbramentu di forma independiente ya pueblo por ta sigur ku e prosedura i proseso di nòmbramentu a kana korekto.

Pa mas informashon di tur e desaroyonan rondó di Minister Camelia-Römer su akshonnan, por bishitá e pagina di facebook “Minister Suzy Camelia-Romer”.